

元杰而獨運永侍玉皇之案克為金闕之臣
勿生塵心再罹世境升天有路入門合符請
整威儀恭行給授

宣升天左右券

宣功曹關 發天門牒

宣靈寶升天大券

負玉券以合符萬魔屏跡登金門而穩步千
聖同遊既飛空之匪伊盍凌霄而直上玄壇
符牒一一披宣宣肅身心勤奉佩奉

給付符錄

宣功德牒

共重誠上啓十方无極飛天神王長生大聖
无量度人君願賜慈悲同垂鑒映一如始青
法會之日不忘元始付祝之言部衛亡靈時
刻升遷逍遙上清永無輪轉更俟召役官吏
同為送迎穩步天衢逍遙雲路好去好去毋
忘道恩

度人无量天尊

臣肅建瑤壇宣行寶範仰祈玄澤俯拯亡靈
以今度品功圓生尸事畢荷帝師之景貺承

大道之甄陶喜慶難言皈依奚極馳心清漢
注想層霄雲車已返於瓊都羽蓋高升於絳
闕巨恭謝天恩下情無任激切之至謹稽首
再拜奉送

迴轎頌

謹召靈寶天仙內院三界所向仙曹施用仙
曹赫奕仙曹疾詣玄壇關同本靖主將某副
將某護道某監壇某會合十方无極飛天神
王部衛亡故某靈魂上登聖境具有文檄恭
為敷陳

宣護送文檄

鍊度事畢魂儀高躋得為天上之種民勿墮
人間之妄見隨劫受化克為金闕之臣返胎
更生常侍玉皇之案慶流後嗣澤被宗親再
拜謝辭伏惟珍重

送靈如儀

師下座超度如法

回靜默堂

向來

靈寶領教濟度金書卷之一百三十

靈寶領教濟度金書卷之一百三十一 閱一

洞微高士開光啟苦具人審 金兵校

靈寶通玄弘教水南先生林靈真編

科儀之成品度星齋

講經儀

入座並同說戒儀

喝座

玄座空浮寶乘中 齊仙萬炁證玄功

靈虛何幸承宗旨 此日高躋步武同

金闕化身天尊

升座祝香

初捨香讚

此香先天孕粹太極流精寶乘凝玄化之根
仁涵三極金鏡照長生之籙祥衍千齡藝向
爐中供養

元始法王至真天寶上祝

皇帝陛下伏願乾坤呈彩河洛煥符慈日舒

明八表被無為之化仁風披拂萬方歌有道

之平扶持三洞以光明化育四民而安樂

二捨香讚

此香元功不琢祖炁潛敷靈風開死戶之陰
祥流九壘湛露潤生根之秀澤彼八宮執向
爐中供養

太上玉宸至真靈寶奉祝齋主係薦亡鬼伏
願明心離妄見性回靈黑鬱升神白簡削多

生之垢朱陵度命丹臺標萬劫之勳超凌宗
祖以道選蔭佑雲仍而利樂

三捨香讚

此香靈分瑤圃秀毓瓊都空歌騰嘯咏之奇
韻周黃幅員神混細微之妙死賞清都藝向
爐中供養

道德高尊至真神寶奉祝齋主其人伏願東
華衍慶南極增齡勳業無涯桂殿快飛黃之
樂詩書有種蘭堦看戲綵之榮雲臻萬福於
方來風散千秋於已往

超度頌

恭製寶香普伸供養

三寶上帝十極高真諸天神仙九霄聖宰日
月星宿北斗南辰省府院司三官四聖南昌
真衆飛天神王地水職司城隍社令虛空鑿

察無鞅仙靈並願監真度生傾光迴駕俯降
家廟曲駐玄虛接引亡故其人乘元始慈悲
妙光道炁來詣壇所澄淪一心飽聽微妙之
法音密悟希夷之勝果

平座讚

洞玄上品靈寶本章混洞赤文百魔隱韻七
經八緯之妙十玄七事之奇攝示聚烟八景
契玄而冥合開圖御運五篇數略以長存萬
炁齊仙八門度命範圍造化輪運樞機蓋魏
魏大梵蕩蕩乎無能名也而要其統宗會元
提綱振領則一言以蔽之曰仁而已仁者何
元始上帝生物之至德度人之妙用也元始
立乎虛元之表擬乎太極之先道體妙融真
精獨運歷劫應化三洞開光以度人上品妙
經乃素明劫中第一會說經之目也祖炁分
靈化生諸天其數八十有一今為敷落神真
普度天人乃獨御始音天何哉蓋始音之天
即東北玉隆騰勝天而三陽至仁發育之會
也元炁潛凝於戊亥天門聲明於子至寅而
開泰於四時為春於五常為仁生意羅敷陽

光浩蕩群動繁育萬物舒榮而天地生物之
仁自此周遍寰宇故玄師謂玉隆天其色青
表木之德而天真皇人釋肉音玉宇碧落浮
黎空歌保珍以配建寅月立春節其應泰卦
宜乎天尊敷弘之妙普化天人必於此土傾
光駐景周十過以召十方也御至仁之真土
說至人之妙化是以一遍而覺者聰二遍而
盲者明三遍而瘖者言四遍而跛者行五遍
而病者痊六遍而髮黑齒生七遍而老壯少
強八遍而孕生胎成九遍而金泄玉露十遍
而枯骨成人其神化妙感蓋自然而然而有不
知其所以然而然者矣何以言之一者水之
生數水旺於坎主腎應耳今天尊運一迴度
人之仁符天一生水之妙宜乎真水流潤滋
榮上官而聳者聞聰也二者火之生數火旺
於離應心主目今天尊運二迴度人之仁符
地二生火之妙宜乎真火發越光明內景而
盲者目明也三者木之生數木胎於酉應金
主聲今天尊運三迴度人之仁符天三生木
之妙則金木互用宜乎肺金通暢重樓利順

01 A 15

而瘡者能言也四者金之生數金胎於卯應木主動今天尊運四迴度人之仁符地四生金之妙則木金交應宜乎肝木豐茂四肢順適而跛病積速皆能起行也五者土之生數土旺四方寄位中宮應化於脾今天尊運五迴度人之仁符天五生土之妙則榮衛和適經絡安乎宜乎久病痼疾一時復形也醫家以手足痿痺名為不仁而草木之實其中有精能發生者世皆名之以仁今天尊之仁運於此而五行之仁應於彼凡不仁之疾皆發生而歸諸仁非神化妙感疇克臻是哉水生於一而成於六者也水至於成則膏髓周流津液滋潤易衰情而為充悅也今天尊運六迴度人之仁符地六成水之妙安得不駭白反黑齒落更生耶火生於二而成於七者也

大至於成則血氣光明精神輝煥轉枯瘁而為強盛矣今天尊運七迴度人之仁符天七成火之妙安得不老者反壯少者皆強耶木生於三而成於八者也木至於成則動植飛潛發育暢茂萬物各得其所矣今天尊運八迴度人之仁符地八成木之妙安得不婦人懷孕鳥獸含胎已生未生皆得生成耶金生於四而成於九者也金至於成則華彩光芒煥耀映發土地難載其實矣今天尊運九迴度人之仁符天九成金之妙安得不地載發泄金玉露形耶土生於五而成於十者也土之生也脫沉痾而復形土之成也迴枯骨而成人皆自然之理今天尊運十迴度人之仁符地十成土之妙則夫迴尸起死白骨成人其神應密感又豈可以形容擬議哉說經周十遍之功萬類受十全之賜舉覆載闔蓋無一物不囿於天尊仁意中矣雖然此仁之用也其體何如觀夫未說經之前三景停輪四氣朗清風靜雲藏化機澄寂是仁之體凝真於太極也及夫既說經之後寶珠空懸黍米取象勃勃俱入不知所在是仁之用返真於太无也動靜互舉體用兼該何者非天尊開度之仁哉萬物芸芸而玄珠比喻獨指黍米何也得非黍為五穀之長人所資以為命而天地生物之仁在是耶由是眾真監度授於

道君欲共溥此仁也道君叙述下教至學欲共溥此仁也聖修凡誦而禱祥有別災消害穰而功德難勝無非欲十極三際共被此仁之澤也而況於北都羅鄴河源泉曲三塗王苦八難九幽尤天尊所憫念有乎至仁無外大德好生當臨軒校錄之時普告三界而不得拘留部衛神鬼而制魔保舉飛度五戶無拘天門則天尊一念之仁其奉奉於幽裏者可謂功矣故曰此經微妙普度無窮一切天人莫不受慶无量之福生死蒙恩非至仁孰能與於此哉若夫流精玉光五色鬱勃相之而位登玉清靈寶真主聖胎成就鍊之而起凡入聖未可以言語文字形容也

自此以後撰寫七人平生言行善惡以經中契合者勸懲之及前後所修功德皆以

經語發明鋪叙待詳贖為佳

經曰夫末學道淺或仙品未充運應滅度身經太陰同學至人為其燒香誦經十遍以度尸形如法鬼神還上南宮隨其學功計日而得更生轉輪不滅便得神仙非虛語也以今

響震收聲鯨音息響殘千枝於鳳炬飄百和
於龍燦萬帝回光諸天復位靈宜端嚴容止
歎曲几筵侯召役於真靈為奉行於鍊度傳
符受券保舉登真毋忘妙道之恩永寧大羅
之上顧惟鄙野夙奉玄元登聖域以優游幸
叨入室乘神機而嚙味僅免面墻雖洞輔之
克諸願舉揚而異敢若曰黼黻玄妙非不可
悅作者之聽聞奈何融暢淵源然後可觀人
天之應合深慚朴素恐負回青總是知音何
妨與點大衆且道今日若幽若顯是寬是親
俱會道場聽法開經然後作麼生

一顆玄珠耀太虛 十方勃勃入無餘
神光寂照秋蟾似 天外閑雲任卷舒
伏惟珍重

出堂頌下座

靈寶領教濟度金書卷之一百三十一

靈寶領教濟度金書卷之一百三十二

洞微高士開光救苦真人龔全真攷
書寶通玄弘教水南先生林重真編

科儀立成品師友命適合用

早朝行道誦經儀

燒香頌

各禮師存念如法

衛靈呪

青陽虛映 曜日回靈 神虎辟邪 飛天流鈴
摧奸滅試 萬魔東形 九微回道 八威攝精
千真校錄 三元蕩清 左嘯中黃 右策六丁
七轉八合 周旋天經 聖化巍巍 三道順行
慶雲流布 合景黃庭 與道合真

鳴法鼓二十四通

无上三天玄元始三炁太上道君召出臣身
中三五功曹左右官使者侍香金童傳言玉
女五帝直符直日香官各三十二人出出者
嚴裝開啓玄壇天帝神君當召此間土地里
域真官正神急上開啓臣今奉為入齋意以
今清旦早朝陞壇行道燒香誦經願得玉清

道炁靈寶妙光下降流入臣等身中令臣所
啓所奏速達逕御

太上无極大道至真玉皇上帝御前

謹稱法位

具位臣某與臨壇官衆等謹同誠上啓

虛無自然元始天尊无極大道太上道君太
上老君高上玉皇十方已得道大聖衆至真
諸君大人三十二天帝君玉虛上帝玉帝大
帝東華南極西靈北真玄都玉京金闕七寶
瓊臺紫微上宮靈寶至真明皇道君三十六
部尊經玄中大法師上相上宰上保上傳太
平下教二十四真人西城總真王君太元真
人東嶽上卿司命茅君定錄保命二真人名
山洞府得道神仙三界官屬一切真靈臣聞
清微御運宏化日於九靈赤明開圖散真風
於八極風韞示希夷之粹驚圖傳玄妙之精
蕩蕩神機巍巍聖運凡圍範圍之內悉歸陶
冶之中臣等綴武彤輝承顏玄座憲天弘道
期堅金石之忱宣德承符願證丹青之誓凡
有投告敢不上聞

01 A D 20 0